

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

#### **Коми Республика мутасын вöрса пöжарьяс вöсна вöрьясын дiнму сяма немину́ча режим пыртöм йылысь**

«Вöр-ва да техногенной сяма немину́чаясысь олысьясöс да мутасьяс видзöм йылысь» 1994 во öшым тöлысь 21 лунся 68-ФЗ №-а Федеральной оланпас, «Немину́чаясысь öлöдан да найöс бырöдан öтувья канму система йылысь» Россия Федерацияса Вескöдлан котырлөн 2003 во öшым тöлысь 30 лунся 794 №-а шуöм, «Вöрса пöжарьяс вöсна вöрьясын немину́чаяс йылысь» Россия Федерацияса Вескöдлан котырлөн 2011 во ода-кора тöлысь 17 лунся 376 №-а шуöм, Немину́чаясысь öлöдöм да найöс бырöдöм да пöжарысь видзчысьöмсö могмöдöм серти Коми Республикаса комиссиялөн заседаниеса 2022 во сора тöлысь 31 лунся 12 №-а сёрнигижöд серти, «Чилимдiн» МР МЮ, «Изьва» МР МЮ, «Удора» МР МЮ администрациясөн муниципальной сяма немину́ча режим пыртöмкöд да вöрса пöжарьясысь видзан формованиеясысь, пöжарьяс кусöдан техникаысь да оборудованиеысь öтвылысь 70 сайö прöчентөн вöдитчöмкöд йитöдын, кутшöмьясöс урчитöма Коми Республика мутасын вöрса пöжарьяс кусöдан сводной планөн, а сiдзжö вöрьясын IV-V класса пöжарной опасносът артмöмкöд, дыр кутчысьысь кос да жар поводдякöд йитöдын, мый вöсна вöрьясын друг вермас содны пöжарьяслөн лыдыс да площадьыс, вöрса пöжарьяс вöсна артмöм немину́чаясысь öлöдöм да сийöс бырöдöм могысь шуа:

1. Пыртны 2022 вося моз тöлысь 2 лунсянь торья тшöктытöдз Коми Республика мутасын вöрса пöжарьяс вöсна вöрьясын дiнму сяма немину́ча режим.

2. Индыны тайö Индöдлön 1 пунктн индöм неминуча бырöдöмön юрнуöдысьöн Коми Республикаса вөр-ва озырлун да гөгöртас видзан министрöс.

3. Урчитöм пöрадокн корны кусöдны вöрса пöжарьяссö юкöдувьясса да формированияясса вынъяс да средствояс, кутшöмьясöс урчитöма Коми Республика мутасын вöрса пöжарьяс кусöдан да динмукоствса маневрируйтан своднöй планön.

4. Юöртны олысьяслы Коми Республика мутаслön зонаын связь операторьяслön связь везьясön вöдитчöмön вöрса пöжарьяс серти артмысь серпас йылысь, олысьяслысь вöрьясын вöлöмсö дзескöдöм йылысь да пöжарысь видзчысян мераясö кутчысьöм йылысь.

Коми Республикаса войтырöс дорьян да неминучаысь видзан комитетлы котыртны индöм юöртöмсö федеральнöй оланпастэчас да юöртан сигнальяс сетöмсö могмöдöм серти öтув уджалöм йылысь связь операторьяскöд кырымалöм артмöдчöмьяс серти.

5. Коми Республикаса вөр-ва озырлун да гөгöртас видзан министрлы Россия Федерацияса оланпастэчас да Коми Республикаса оланпастэчас серти:

1) могмöдны Коми Республикаын муниципальнöй юкөнъясса оперативнöй штабьясын лесничествоясön юрнуöдысьяслысь участвуйтöмсö;

2) котыртны Коми Республика мутасын вöрса пöжарьяс кусöдöм серти удж;

3) нуöдны Коми Республика мутасын вöрьясын вöрса пöжарьяслön серпас серти мониторинг;

4) коланлун дырйи котыртны вöрса пöжарьяс кусöдöм вылö содтöд вынъяс да средствояс динмукоствса маневрируйтöм серти ыстöмсö;

5) быд лун серпас бурмытöдз юöртны Неминучаясысь öлöдöм да найöс бырöдöм да пöжарысь видзчысьöмсö могмöдöм серти Коми Республикаса комиссияön веськöдлысьлы Коми Республика мутасын

вөръясын пöжарнöй опаснöст да вöрса пöжаръяс йылысь мыччöдъяссö.

6. Вöзйыны Россияса МЧС-лөн Коми Республикаын медшöр веськöдланінлы могмöдны Коми Республикаын пöжарысь мездан мутасса гарнизонлысь содтöд вынъяс да средствояс корöмсö олан пунктъяс да экономика объектъяс пöжарысь видзöмсö тöд вылö босътöмөн.

7. Вöзйыны Коми Республикаын муниципальной юкөнъясса юралысьяслы могмöдны Коми Республикаын муниципальной юкөнъяслөн меставывса асвеськöдлан органъяслысь, аварияысь мездан штатö пырттöм да öтйöза формированиеяслысь вынъяс да средствояс, а сіджö мездысьясöс, кодъяс оз пырны индöм формированиеясö, корöмсö.

8. Вöзйыны Коми Республикаын Россия Федерацияса пытшкöс делöяс министерстволы:

1) сетны öтйöза пöрадок да объектъяс, кутшöмъяс могмöдöны вöрса пöжаръяс местаясын да накöд орчча мутасъясын олысьяслысь олöмсö, видзöмсö вынсьöдöм серти отсöг;

2) аслас уджмогъясын сетны лесничествоясын уджалысьяслы вөрö гражданаөн ветлöмысь да сэтчö транспорт средствоясөн пырöмысь дзескöдöм серти отсöг.

9. Тайö Индöдсö олöмö пöртöм бöрся кута видзöдны ачим.

10. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктывкар

2022 вося моз тöлысь 2 лун

88 №